



CONVENIO DE COLABORACIÓN ENTRE A CONSELLERÍA DE EDUCACIÓN, CIENCIA, UNIVERSIDADES E FORMACIÓN PROFESIONAL E EPI PRENSA, S.L.U., PARA O DESENVOLVEMENTO DE ACCIÓNS DE PROMOCIÓN E DIFUSIÓN DE PROGRAMAS EDUCATIVOS.

REUNIDOS

Dunha parte, D. Román Rodríguez González, conselleiro de Educación, Ciencia, Universidades e Formación Profesional, que en virtude do seu nomeamento a través do Decreto 44/2024, do 14 de abril, polo que se nomean os titulares das consellerías da Xunta de Galicia (DOG número 73, do 14 de abril) actúa de conformidade coas facultades que lle atribúe o artigo 34 da Lei 1/1983, do 22 de febreiro, de normas reguladoras da Xunta e da súa presidencia.

Por outra parte, D. Jaime Abella Fernández, con documento nacional de identidade número 32785156J, en virtude de escritura de poder notarial do 29 de novembro de 2022, do notario do Ilustre Colexio de Cataluña, D. Manuel Tejuca González, baixo o número 460 do seu protocolo, en representación de EPI PRENSA, SLU (empresa editora do xornal "El Correo Gallego") con CIF B86754025.

Interveñen en función dos seus respectivos cargos en exercicio das facultades que, para convir en nome das entidades que representan, teñen conferidas

EXPOÑEN

Primeiro.- Que a Consellería de Educación, Ciencia, Universidades e Formación Profesional é conforme o Decreto 138/2024, do 20 de maio, polo que se establece a súa estrutura orgánica, o departamento da Xunta de Galicia ao que lle corresponden as competencias e



funcións en materia de planificación, regulación e administración do ensino regrado en toda a súa extensión, niveis, graos, modalidades e especialidades.

Segundo.- Que as administracións públicas poden celebrar convenios de colaboración con outros entes de dereito público ou privado para a consecución dun fin común, baixo o réxime xurídico establecido no capítulo VI da Lei 40/2015, do 1 de outubro, de réxime xurídico do sector público.

Terceiro.- Que as partes son conscientes de que un servizo educativo participativo e de calidade debe responder ás novas demandas sociais de modo eficaz, completando a oferta do ensino e fomentando as condicións de igualdade de oportunidades para a formación de toda a cidadanía. Nos tempos actuais a educación integral do alumnado demanda a colaboración de toda a comunidade educativa e outras institucións da sociedade para atender as aspiracións e necesidades do alumnado e familias, especialmente no que atinxe ao desenvolvemento de actividades extra curriculares.

Cuarto.- Que tendo en conta a gran repercusión e difusión social que teñen os medios de comunicación son instrumentos moi eficaces, tanto para dar a coñecer a labor e actuacións que no ámbito do aprendizaxe comunicativo se desenvolve nos centros educativos de forma que poida ser comprendido da mellor maneira posible pola cidadanía, como para o aprendizaxe de habilidades e capacidades comunicativas do alumnado, polo que a súa colaboración é imprescindible.

Quinto.- Que a mercantil EPI PRENSA, S.L.U. (editora de "El Correo Gallego"), ten unha ampla difusión e na súa liña de información en temas de actualidade. A EXM, entidade oficial de control de audiencias que elabora as estatísticas dos medios de comunicación, estimou que El Correo Gallego tiña uns 36.000 lectores diarios.

Na súa liña de información en temas de actualidade, quere participar e colaborar no desenvolvemento de programas educativos como instrumento de formación complementaria do alumnado galego.





Sexto.- Que as dúas partes, que teñen intereses comúns e coincidentes, manifestan a súa vontade de colaborar no desenvolvemento e difusión de actuacións que teñen por finalidade a consecución dun fin de interese xeral, como é a dar a coñecer aos galegos as actividades formativas e divulgativas que se executen nos centros docentes da nosa Comunidade Autónoma.

Polo exposto, e tendo en conta os fins e obxectivos expostos, as dúas partes acordan celebrar un convenio de colaboración de acordo coas seguintes,

CLÁUSULAS

Primeira.- Obxecto do convenio

Constitúe o obxecto deste convenio o establecemento das condicións para a colaboración técnica e económica entre a Consellería de Educación, Ciencia, Universidades e Formación Profesional e EPI Prensa, S.L.U para:

- Posta en marcha da cuarta edición de "Escola en Camiño", programa educativo centrado no aproveitamento dos valores xacobeos dentro da aprendizaxe dos escolares en centros. Darase difusión do programa mediante insercións publicitarias periódicas en papel e xestión do concurso a través da web anuncios.

Segunda.- Compromisos das partes

1. Compromisos de EPI Prensa, S.L.U:

- Desenvolver as actuacións recollidas na cláusula primeira deste convenio, e que constitúen o seu obxecto.
- Conservar os documentos xustificativos das accións realizadas, que estarán a disposición da Consellería para que, no seu caso, poidan realizarse as actuacións de comprobación pertinentes.





- Prestar colaboración e facilitar tanta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.
- A relacionarse exclusivamente por medios electrónicos coa administración en base ao establecido no artigo 14.2 da Lei 39/2015, do procedemento administrativo común das administracións públicas.
- A fixar a liña editorial e a asumir a responsabilidade editorial dos contidos publicados, non podendo a Consellería determinar o contido concreto da información publicada.
- Presentar antes da sinatura deste convenio as certificacións acreditativas vixentes de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei orgánica 3/2018, do 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, do 9 de decembro, do imposto sobre a renda das persoas físicas e outras normas tributarias, e demais disposicións de aplicación.
- A que os contidos que se publiquen de acordo co presente convenio, sexan respectuosos cos principios de neutralidade política e lealdade constitucional e, mais en particular coas limitacións e prohibicións establecidas no artigo 4 da Lei 29/2005, do 29 de decembro, de Publicidade e Comunicación Institucional.

2. Compromisos da Consellería:

- Pagar o importe correspondente, logo da xustificación da execución das accións a desenvolver, de acordo co establecido neste convenio para os pagamentos.



- Proporcionar á entidade os datos e a documentación que se lle requira e que garante a obxectividade e veracidade da información, responsabilizándose a Consellería dos datos e documentación que facilite para a execución do convenio.
- A Consellería comprométese a facilitar, cando sexa preciso, o apoio e asesoramento técnico na labor de difusión relacionados coas actividades obxecto este convenio.

Terceira.- Orzamento e financiamento

O orzamento estimado para levar a cabo estas actuacións será de 14.000,00€, que se distribúen do seguinte xeito:

CONCEPTO	ORZAMENTO ESTIMADO
Custos traballo persoal	7.000,00€
Custo deseño e montaxe, maquetación e fotocomposición	1.680,00€
Custos impresión rotativa (papel, tintas, pranchas, películas, enerxía, maquinaria)	2.100,00€
Custos de deseño, soporte e aloxamento web de publicidade dixital	1.260,00€
Custos distribución (maquinaria de peche, carga, transporte e entrega)	1.400,00€
Custos administrativos (teléfono, dietas, material oficina, luz, etc...)	560,00€
IMPORTE TOTAL	14.000,00€



A Consellería de Educación, Ciencia, Universidades e Formación Profesional para posibilitar a realización das actuacións recollidas na cláusula primeira financiará estas actuacións polo importe total de 12.840€ con cargo á aplicación orzamentaria 37.01.423A.640.0, proxecto 2015 00432, dos orzamentos xerais da Comunidade Autónoma Galega para o ano 2024.

As ditas achegas financiarán exclusivamente o custo de realización das actividades obxecto deste convenio, sen que ningunha das partes convenientes obteña lucro ningún.

Na documentación referida na cláusula segunda deberá xustificarse que os custos ou gastos financiados pola Administración por razón deste convenio non inclúen o beneficio industrial que ditos custes ou gastos incluírían para servizos prestados contractualmente.

Cuarta.- Resultados conxuntos

Para o caso de utilizar materiais e/ou documentos básicos elaborados conxuntamente polas partes asinantes serán de titularidade e uso común, sen prexuízo dos dereitos de propiedade intelectual que, de ser o caso, os protexan fronte a terceiros.

As partes asinantes farán constar, nun lugar destacado, a colaboración da Xunta de Galicia e do medio e, sexa cal fora o medio de difusión, cada unha das partes comprométese a facer mención da outra parte deste convenio.

Quinta.- Xustificación dos gastos

A entidade presentará electronicamente coa data límite do **15 de decembro de 2024**, a seguinte documentación xustificativa:

1. Declaración responsable asinada electronicamente da realización do obxecto do convenio.





2. Certificación detallada asinada electronicamente pola persoa responsable da relación de gastos que orixine a execución das actividades previstas neste convenio.
3. Unha memoria xustificativa de todas as actuacións realizadas xunto coa documentación acreditativa.
4. Certificacións acreditativas vixentes de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei orgánica 3/2018, do 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, do 9 de decembro, do imposto sobre a renda das persoas físicas e outras normas tributarias, e demais disposicións de aplicación.

A antedita documentación deberá presentarse a través da sede electrónica seguindo as seguintes instrucións:

Na sede electrónica da Xunta de Galicia (<https://sede.xunta.gal>) figura, na guía de procedementos e servizos, o modelo de solicitude co código do procedemento: **PR004A** (ANEXO I: presentación electrónica de solicitudes, escritos e comunicacións que non contengan un sistema electrónico específico nin un modelo electrónico normalizado).

Para os efectos desta xustificación, consideraranse os gastos realizados durante o período de vixencia do convenio e que respondan á natureza da actividade realizada.

No caso de que a xustificación dos gastos sexa inferior ao importe do convenio, a achega da Consellería diminuírase proporcionalmente.

A entidade asinante deste convenio responsabilizarase da veracidade dos documentos que presente.



A Consellería procederá ao pagamento dos gastos correspondentes, a favor da entidade, unha vez que esta achegue a correspondente documentación xustificativa.

Sexta.- Responsabilidade das actuacións

A sinatura deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Xunta de Galicia, de tal xeito que a esta non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

Sétima.- Publicidade

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a entidade acepta e consinte a remisión do convenio, logo da súa sinatura, ao Rexistro de Convenios da Xunta de Galicia, ao abeiro do disposto no Decreto 126/2006, do 20 de xullo e no Decreto 132/2006, do 27 de xullo.

Oitava.- Comisión de seguimento

Para o desenvolvemento e bo fin deste convenio de colaboración constituirase unha comisión paritaria que velará polo cumprimento das obrigas das partes e adoptará cantas medidas e especificacións técnicas sexan precisas de cara a garantir a boa execución do convenio.



A súa actuación axustarase ao establecido na Lei 40/2015, do 1 de outubro, do réxime xurídico do sector público, e na Lei 16/2010, de 17 decembro, de organización e funcionamento da administración xeral e do sector público autonómico de Galicia.

Novena.- Modificación e resolución do convenio

As modificacións do convenio adoptaranse por acordo expreso, unánime e por escrito das partes asinantes, e de acordo cos trámites que esixa a normativa vixente.

Os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sostenibilidade financeira.

Ditas modificacións terán por obxecto a redución do volume das obrigas ou a ampliación do seu prazo de execución.

O presente convenio extinguirase polo cumprimento das actuacións que constitúen o seu obxecto ou por incorrer en causa de resolución. Serán causas de resolución do presente convenio e darán lugar, no seu caso, ao reintegro das cantidades percibidas cos seus correspondentes xuros de mora e demais efectos establecidos no artigo 52 da Lei 40/2015, do 1 de outubro, as seguintes:

- Transcurso do prazo de vixencia sen acordarse a súa prórroga.
- Acordo unánime de todos os asinantes.
- Incumprimento de calquera das cláusulas establecidas no mesmo.
- A aplicación dos fondos outorgados no convenio para fins distintos dos que motivaron a súa concesión.
- Polo transcurso do tempo estipulado sen que se culminen as actividades acordadas.



- Decisión xudicial declaratoria da nulidade do convenio.

Décima .-Réxime xurídico e xurisdición competente

O presente convenio de colaboración formalízase ao abeiro do disposto na resolución de 8 de abril de 1991 pola que se fai público a acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e con particulares.

Este convenio ten natureza administrativa e queda fóra do ámbito de aplicación da lexislación de contratos das administracións públicas, segundo a Lei 9/2017, do 8 de novembro, de contratos do sector público de conformidade co disposto no apartado segundo do seu artigo 6.2.

Seralle de aplicación o réxime determinado na Lei 39/2015, do 1 de outubro, do procedemento administrativo común das administracións públicas; na Lei 40/2015, do 1 de outubro, do réxime xurídico do sector público, e, no seu defecto, polas derivadas do dereito privado.

As cuestións litixiosas que poidan xurdir coa interpretación, resolución e efectos do presente convenio serán resoltas pola Comisión de Seguimento do convenio, e en última instancia pola persoa titular da Consellería, cuxas resolucións poñen fin á vía administrativa e contra elas poderase interpoñer recurso contencioso-administrativo, segundo o disposto na Lei reguladora da dita xurisdición.

Décima primeira.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade





xurídica, os colexios profesionais, os que representen un interesado que estea obrigado a relacionarse electrónicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Décimo segunda.- Protección de datos de carácter persoal

As partes asinantes comprométense a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitais.

Décimo terceira.- Vixencia





Este convenio entrará en vigor na data da súa sinatura, terá vixencia ata o 31 de decembro de 2023.

En proba da súa conformidade, as partes asinan este convenio na data da súa sinatura dixital.

Pola Consellería

Por EPI Prensa, S.L.U

P.D. (Orde 5 de xuño de 2024, DOG núm. 114, do 13 de xuño)

Jaime Abella Fernández

O secretario xeral técnico

Manuel Vila López

